

1289 novembre 20. Lleida

El rei Alfons II confirma el privilegi sobre les taxes dels foriscapis reials.

[A]. Original perdut.

B. Còpia de principis del s. XIV conservada en el *Llibre Verd*, f. 10.

a. Ed. de la còpia B per F. VALLS I TABERNER, *loc. cit.*, p. 141 (doc. XI).

De la confirmacion e concession del privilegi dels foriscapis reials.

Noverint universi quod, cum nos Alfonsus, Dei gratia rex Aragonum, Maioricarum et Valencie ac comes Barchinone, in generali curia Montissoni revocaverimus omnia privilegia per nos concessa secundum ordinacionem curie supradicte et concessissemus universitati hominum Gerunde quod de vendicionibus et empcionibus quas facerent de domibus, honoribus et possessionibus que pro nobis tenerentur, non tenentur dare pro tercio, nisi decem solidos pro centum, et ad dictam racionem secundum maius et minus, prout in privilegio, quod inde habent, continetur. Nos Alfonsus, Dei gratia rex predictus, propter dampna que sustinuerunt et sustinent racione presentis guerre et ob necessitatem magnam quam habent, habita deliberacione cum consilio nostro, dicte universitati et universis hominibus eiusdem confirmamus privilegium supradictum ac illud concedimus de presenti in perpetuum irrevocabiliter observandum, prout in privilegio, quod iam inde habent, laciis continetur. Mandantes per presentes universis officialibus et subditis nostris quod dicte universitati et hominibus eiusdem observent dictum privilegium et contentum in eodem et observari faciant inviolabiliter et non contraveniant aliqua racione.

Datum Ilerde, XII^o kalendas decembris, anno Domini M^o CC^o LXXX^o nono.